



# BASES ENTROIDO

O día 21 de febreiro terá lugar o entroido, é polo que este Concello de Carballada de Avia convoca o concurso de disfraces individuais (infantil e adulto), comparsas e agrupacións.

## BASES:

1. A participación implica a aceptación das presentes Bases e está aberta a todas as asociacións de veciños, culturais, grupos, colexios,... As dúbidas serán resoltas nos teléfonos 988487000 ou no 636470167 (de 09:30 ata as 14:00hs).
2. As **inscricións** presentaranse na oficina do Concello de Carballada de Avia ou no nº **988487000 de luns a venres en horario de 09:30 a 14:00 hs. Q prazo de inscrición rematará o venres día 17 de febreiro ás 14.00 horas.**
3. Para participar como comparsa deberá ter máis de 7 compoñentes.
4. Os participantes no desfile comprométese a responsabilizarse das accións ou omisións que se produzan durante o mesmo, eximindo á organización de calquera tipo de responsabilidade por ditos actos.
5. Os participantes que leven carrozas, remolques ou outro tipo de vehículos serán responsables dos mesmos e das autorizacións que se lle puidesen requirir ó seu efecto, sendo responsables á súa vez da seguridade dos mesmos. Nos camións colocar “faldóns ríxidos” nas rodas a fin de evitar que ningunha persoa (sobre todo nenos/as) poidan meterse baixo as rodas.

Os participantes veranse obrigados a comunicar as medidas da súa carroza ou remolque á organización no momento da inscrición co fin de adoptar as oportunas medidas de seguridade.



## Concello de Carballeda de Avia

6. A organización resérvase o dereito de participación de Comparsas, Grupos ou Individuais, podendo en calquera momento variar estas bases por razóns de seguridade ou interese xeral, excluindo no momento os que poñan en perigo a seguridade propia ou a de terceiros.
7. Os participantes no desfile atenderán en todo momento as indicacións facilitadas por a organización e por o persoal de Protección Civil.
8. Para optar ós premios é obrigatorio completar todo o percorrido con un 90% do número total de participantes anotados inicialmente ata a súa finalización.

Os participantes deben estar no lugar asignado pola organización ás 16.00 horas para proceder a súa colocación e comezar en hora o desfile. O desfile dará comezo ás 16:30 horas.

- Punto de Inicio: Campo do Lodairo

- Punto de remate: Diante do Concello

9. A orde de desfile das comparsas seralle comunicado no día do desfile. Así mesmo, e co obxecto de garantir a seguridade dos demais participantes e do público asistente, o persoal de organización e o xurado do concurso quedan facultados para excluír do desfile ou cambiar o seu posto de orde a calquera elemento das comparsas que se considere perigoso (animais de todo tipo, petardos, bengalas...).
10. Queda prohibido o uso de petardos, esprais ou lanzamento de obxectos perigosos ao público, quedando excluídos do concurso os que incumpran este punto.
11. As carrozas e comparsas deberán levar unha velocidade lenta para amosar o seu traballo, non podendo deterse no percorrido, salvo causa maior xustificada.
12. Queda totalmente prohibido levar calquera tipo de animal solto na comparsa, quedando a organización capacitada para tomar calquera tipo de decisión sobre este aspecto por motivos de seguridade.



## Concello de Carballeda de Avia

- 13.** O concurso de comparsas e grupos basearase nun sistema de votacións no que cada un dos membros do Xurado outorgue 10 puntos do 1 ó 10, sendo 1 a máis baixa e 10 a máis alta, ás comparsas que segundo o seu xuízo, sexan merecedoras de premio. Ó final de dita votación, os membros da organización procederán ó recuento de votos acadando así o primeiro premio á comparsa que máis votos reciba, e o segundo e terceiro respectivamente.

O Concello de Carballeda de Avia declina calquera responsabilidade sobre as votacións que o Xurado emita de cara a elección dos distintos premios.

Os membros do Xurado serán dados a coñecer o inicio do desfile. Estes están obrigados a acatar as presentes Bases e a emitir o seu voto no momento de serlle requirido por a Organización, non podendo escusarse baixo ningún concepto. Se por causa de forma maior, debidamente valorada por a Organización, calquera dos membros do Xurado non puidese emitir o seu voto en todas ou algunha das categorías, comunicarallo a Organización e designará un substituto para tal fin.

O Xurado resérvase o dereito a descalificar aquelas persoas con disfraces que, ao seu xuízo, poidan resultar ofensivos, de dubidosa interpretación ou que non cumpran as normas que ao longo da comitiva vaia transmitindo o persoal da organización, que irá debidamente identificado.

- 14. As decisións do xurado son inapelables**, atendendo en todo momento calquera tipo de reclamación ó efecto de participación con opción a premio.
- 15.** Os interesados en participar nos **concursos infantil e adulto individual** poderanse anotar nos teléfonos facilitados anteriormente ou no mesmo día no lugar de celebración do evento inscribíndose previamente o comezo do concurso.
- 16.** Poderán participar no concurso infantil as nenas e nenos con idades comprendidas entre os 0 e 12 anos

### **17. PREMIOS Á PARTICIPACIÓN:**

O Concello de Carballeda de Avia, como unha forma de estimular a participación cidadá no Entroido, dará 5 euros por participante de cada



## Concello de Carballeda de Avia

agrupación/comparsa local (cunha participación mínima do 50% de persoas censadas no Concello de Carballeda de Avia), cun máximo de 300 euros por cada unha delas.

Establécense os seguintes premios para comparsas e agrupacións:

-1º premio **700 €**

-2º premio **400 €**

-3º premio **300 €**

-Individual Infantil: **Cheque regalo.**

-Individual Adulto **60 €**

- **Será obrigatorio recoller o premio disfrazado**, para amosar así o traballo realizado.

**18. O feito de participar supón a plena aceptación das presentes bases.** O incumprimento de ditas cláusulas dará lugar á falta de pagamento.

**19. Tratamento de datos de carácter persoal.** Os datos de carácter persoal aportados polas persoas participantes serán tratados polo Concello de Carballeda de Avia como responsable do tratamento, coa finalidade de xestión da participación nas actividades do Entroido 2023 e no concurso individual e de comparsas. Polo tanto, os seus datos serán tratados para poder tramitar a súa solicitude e participación no mesmo, baseada no interese público da actividade e na súa solicitude de participación na mesma.

Os datos relativos as persoas premiadas poderán ser obxecto de difusión pública ou publicación, e cando o premio inclúa prestación económica serán comunicados as entidades bancarias co obxecto de realizalo seu pago, á administración tributaria e outro organismos públicos con competencia na xestión e fiscalización contable.



## Concello de Carballeda de Avia

Os datos serán conservados durante o tempo necesario para cumprir coa finalidade para a que foron recollidos e para determinar as posibles responsabilidades que se puideran derivar de dita finalidade e do tratamento dos datos. Será de aplicación o disposto na normativa de arquivos e patrimonio documental español.

Os datos das persoas premiadas con dotación económica conservaranse de conformidade co disposto na normativa tributaria aplicable.

Pode exercitar os seus dereitos de acceso, rectificación, supresión e portabilidade dos seus datos, de limitación e oposición ó seu tratamento, así como a non ser obxecto de decisións baseadas unicamente no tratamento automatizado dos seus datos, cando procedan, ante o Concello de Carballeda de Avia, Rúa Castelao nº4, 32412 Carballeda de Avia (Ourense) ou, no seu caso, ante a Axencia Española de Protección de Datos ([www.aepd.es](http://www.aepd.es)).

Carballeda de Avia, 23 de xaneiro de 2023